

www.BibleForChildren.org

Matyu 26



Nam butang gdè
klon kel i Fista Du
Kaglius, salu Dyisas
ditù di Bétani, i banwe
Lasarus, i to ta ntékan
di fati. Na mwè Méri
tngà kilu i too mabtas
fangbun, na kokan di blì Dyisas,
na yé ifun dun wakan. Na Ingab
i gumnè ayé i kafye bunan.



Na kafnge ayé, nun satu di dad sfalò lwe to gal tdò
Dyisas, yé dagitan Dyudas Iskariyot, salu kenen di
dad ganlal di kafaglut i dad Dyu
du santulenla ku dé t i kibòan
makal ku Dyisas. Kanto linge
i dad ganlal di kafaglut i
dad Dyu ayé, too ale
lehew na makang
ale mlé filak ku
Dyudas. Na tambù
Dyudas mngabal
kfagu makal
ku Dyisas.



Na nimenla i man Dyisas, na
fatlagadla i knaan di Fista i
Du Kaglius. Na lamla kmaan,
nwè Dyisas fan, na fasalamat
kenen di Dwata, klon falnak
dun, na blén di dad to galan
tdò, manan, "Nwèyu ani na
knaanyu. Ani lawehgu."



Na kafnge ayé, lêan nwè i basù
nun binu, na fasalamat kenen di
Dwata, klon mlé dun di dale, na
manan, "I kdeeyu, sansinumyu
ani. Ani i litègu falohgu du fye
fnasinsya Dwata salà i dee dad
to du yé fambagal i kasafnè
Dwata di dale."



Na man Dyisas di ku Simon Piter, "E Simon, ta mbal
Satanas, kayèan gamu tnilew salngad i to tmaaf fali.
Bay ta sanata ge dnasal, Simon, du fye là mgilih i
ksaligam. Na ku ta samfulê ge di do, tan-galam nawa
i dad flane kam." Bay talù Simon Piter, manan di ku
Dyisas, "Amu, ta gatlagad agu magin di ge salu di
blanggù na balù kel di
fati." Bay man Dyisas
di kenen, "Ani
man-gu di ge, Piter,
di laman là kalmeet
i anuk, ta sanam
agu bnalew tlu
dulê di kmanam
dun làam agu
dilè."




Na salu Dyisas na i dad
to galan tdò di satu tanà
dnagit Gétsémani. Na
manan dale, "Sudeng
gamu dini du salu agu
ditù du dmasal."

Na fles dmasal, manan,
"E Mà, gaganam i kdee.
Begam nwè i kaflayam
fan kel di do. Bay yé
mgimò i ge knayè,
ise i do."



Taman, gatù Dyudas, na faginan dee sundalu na
dademe to mantay di Bong Gumnè Gumangamfù
di Dwata du ta dek dad mdatah ganlal di
kafaglut na dad Farisi ale. Na mebe ale
dad tek na dad falitan na dad
salò bnakas. Na satu di dale,
tnibehan i fasak i ulu dad
ganlal di kafaglut i dad
Dyu, na masfek i bali
klingen gsen di kwananan.
Bay tmimel Dyisas,
manan, "Ta tongan ayé."
Na nagotan i klinge
i fasak ayé, na fan-gulêan.



Na kanfèla Dyisas du nebela kenen salu di gumnè i ulu
i dad ganlal di kafaglut i dad Dyu. Na lê Imalò Piter,
kibò beg fawag kenen. Bay i dad to mantay ta
dmutung ale lifoh di
gutngà i nasei, klola
sudeng. Na lê sudeng
Piter di safédla.



Na lê talù satu fasak
i ulu dad ganlal di
kafaglut i dad
Dyu, dunan i flane
i to tnibeh Piter i bali
klingen, na snalekan
Piter, manan, "Ise ge kè i
to teen-gu magin dun di
gbang?" Bay lê man malew
Piter, na manan, "Ise do."
Na ta kalmeet i anuk.
Na lamwà Piter, na too kenen
mngel du mdà di kalbà nawan.



Na kafnge ayé, i kdee dad ganlal
stifun déé, sdulê ale tadag, na
nebela Dyisas salu di kanfe
Gubirnador Pilato. Mdà ayé,
snalek Pilato kenen,
manan, "Ge kè Harì i
dad Dyu?" Na tmimel
Dyisas, manan, "Ta manam
sa." Na too fakdo Pilato
di dad to du yé kayèan

ku falwàan Dyisas.
Bay too ale mkit, manla,
"Fnati kenen! Fnatak di krus!"




Taman, ta blé Pilato Dyisas di
dale du fye fnatakla di krus.

Taman, ta nwèla Dyisas.

Na lamwà Dyisas tmiang krusan
salu di satu banwe dnagit


Klakub Ulu, yé dagitan di talù i
dad Dyu, Golgota.



Na kanto ale kel déé, ta fnatakla
Dyisas di krus, na lê nun fnatakla lwe
to, satu gsen di kwananan,
na satu gsen di bibengan,
na déé Dyisas
di gutngàla.



Na di kaltu i du, tadè kmifuh i klamang banwe kel di
tngà masol i du, du ta là mneng i du. Na i bong kurtina
di gutngà i Bong Gumnè Gal Gumangamfù di Dwata,
tadè kasê di gutngàan. Na falbong
Dyisas i talùan, manan, "Mà,
fagotta ge i nawagu ani."
Na kanton man ayé,
ta ftoh i nawan.



I du kfati Dyisas, yé du
kafatlagadla di Du Kaftud.
Kanto kifuh, nun satu lagi
yé dagitan Dyosip mdà
di banwe Arimatiya,
na kenen satu
mgafè di
dad ganlal.

Lêan fatan i
Kagot Dwata. Na
fan-galan i nawan
salu di ku Pilato
du fnin i laweh
Dyisas.



Na mdà ayé, mli Dyosip falnas
bukay, na kanton nwè i laweh
Dyisas mdà di krus, ta
labédan dun i falnas
bukay ayé, klon mkah
dun di lbang nakol
di Ifidas gugdak
i bulul,

na lulidan i bong
batu du sangan
di bà i gufusuk.





Na di tmadol du, dunan i Du Kaftud,
salu di ku Pilato i dad ganlal di
kafaglut i dad Dyu, na
dad Farisi. Na manla,
"Sér, gafaldammi na di
là fa mati i to tmulen
kéng ayé, yé manan,
'Kafnge tlu du,
lê agu mték.'"



"Na yé duenam man, gatù
ale di lbang du fye
fan-gatla. Nsangla
batu i bà lbang, na
tnagakla déé i
dad to mantay."



Kafnge i Du Kaftud, di too flafus
Linggu, mdà Méri Magdalin na i
satu Méri salu di Ibang du
neyela. Na tin tadè Iminol
du nun kasaligan Dwata
mdà di langit tufa
déé di Ibang. Na
lulidan i bong batu
di bà i Ibang, na
sudeng

kenen di tahan.
Na kankal i dad
to mantay mdà di
klikòla di kasaligan
ayé, na gambet
ale dad to mati.



Na man i kasaligan di dad libun,
"Nang gamu likò, du gadègu na yé
fanngabalyu Dyisas, dunan
i fnatakla di krus. Ta là
dinin du ta mték mdà
di fati salngad i ta
manan di gamu. Flal
gamu. Neyeyu i
gufilèla dun."



Na yé duenam man, gasil mdà dad libun
fdu di lbang. Likò ale, bay lê ale too
lehew. Too ale sadluh du fye
tulenla di dad to gal tdò Dyisas.
Na snitong Dyisas ale, manan, "I
ktanak nawa samnagin di gamu."
Na fdadong ale di kenen, na
nagotla i blàn mangamfù di
kenen.





Kafnge ayé, fite Dyisas i kton di sfalò
satu gdè to galan tdò di lamla kmaan.
Nngakan ale du là ftoo ale di man i dad
to ta mite kenen du magéng ulula.
Mdà ayé, kafnge Dyisas talù di dale,
tadè kenen magket di langit, na sudeng
gsen di kwanan i Dwata.



Du mdà di too kalbong nawa Dwata i
kdee dad to di klamang banwe, blén
i sen Ngàan du fye nè i to ftoo
di kenen, là ti malmon,
bay gfunan nawa
landè sen.



Roma 3:23 Nimò Dwata tluh i dad to fagu di kaftoola di ku Dyisas Krayst. Nimòan ani di kdee ftoo di ku Krayst du landè gusahal i kdee dad to, ta gamsalà i kdee, na gawag ale di knayè Dwata.

Roma 6:23 Du i ulê i kimò salà dunan i fati, bay i tadè blé Dwata dunan nawa landè sen fagu di ku Krayst Dyisas, i Amuto.

Hibru 9:27 Yé man Dwata lo sulê mati i kdee dad to, na kafnge ayé, nukuman ale.

Ifisu 2:8,9 Du mdà di kafye Dwata ta galwà gamu fagu di kaftooyu, na ise ku mdà di gamu nimò bay tadè blé Dwata di gamu. Na yé duenam man, landè to fakay fdatah i kton, du ise ku yé gumdà i kagalwàto di balù dét i ta mgimòto.



Roma 10:9,10 Galwà ge ku tulenam Dyisas i Amu, na fantoom mdà di nawam ta nték Dwata kenen di fati. Du mdà di nawato i kaftooto, na yé ulêan ta tluh ato di kanfe Dwata na ta galwà ato du tulento i fantooto.

Dyan 3:16,17 Du mdà di too kalbong nawa Dwata i kdee dad to di klamang banwe, blén i sen Ngàan du fye nè i to ftoo di kenen, là ti malmon, bay gfunan nawa landè sen. Ise ku yé duen Dwata mdek i Ngàan salu di tah tanà ku falnayaman i dad to, bay falwàan ale.

1 Dyan 5:11-13 Ani i ta tulen Dwata:

Banlén ato nawa landè sen, na yé gumdàan di Ngàan. Nè i to ta dmawat i Ngà Dwata, ta nun nawan landè sen, bay nè i to là dmawat i Ngà Dwata, landè nawan landè sen. Sulatgu ayé di gamu du fye gadèyu na gamu ta ftoo di Ngà Dwata nun nawayu landè sen.



Matyu 26-28; Luk 22-24; Dyan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Blaan, Koronadal Bible (bpr) © 1995, Wycliffe Bible
Translators, Inc. All rights reserved.

<https://live.bible.is/bible/BPRWYI/MAT/1>

©2026 Bible for Children, Inc.

www.M1914.org

www.bibleforchildren.org

